

宣威縣志稿

周鍾嶽題



卷之七 政治志

行政篇

建設

農業
土地狀況
森林
田功
畜牧

漁獵

工業

鑛業

商業

交通

卷八之一 政治志

司法篇

自治篇

卷八之四 民族志

種族

語言

文字

宗教

祠堂譜系

禮俗

歲時瑣記

村市雜習

宣威縣志稿卷七

邑人繆果章濟澄編輯

政治 行政篇

建設

衣食住行四大要端缺一不可美滿實難建國方略組織維完工商農礦分部

設官

建設局舊曰實業分所清光緒中內官有實業部外官有勸業道各州縣則設實業分所民初改道爲司旋爲廳此項司廳及所通號實業一六工商農礦分設部廳繼復併爲實業部各省情形不同有僅設實業廳者有實業建設分廳甚或工商農礦分廳而縣之建設一局似爲確定其職掌爲土地農礦森林水利道路工程勞工公共營業等事項及其他社會事業

局所在地及沿革

本境建設局當奉設實業分所時原就尋甯營守備廢署改修正廳爲員長辦公處花

廳爲附屬該所之農業小學堂兩廊爲學生寢室此前清光緒末年事也光復後地方公共團體議修分所附近之千總廢署爲製革廠興辦未久停廢分所人員遂移駐其中而騰讓原駐地點以處縣議會議會停軍隊不時駐劄其間故分所亦久甘放棄改組建設局後公路工程漸興十八年五六月間乃由局修補破敗以處公路主任及其他勸辦公路人員旋於二十年以議會原駐地點籌辦縣黨部而局長則仍居製革廠故地云

局內組織

局中設員簡單除局長外僅設技士書記局丁各一應行建設事項多未議及今就邑中亟應建設之事一一言之

土地狀況

欲講各種建設當先明於土地狀況宣中土地狀況向無切實之調查本屆徵集志料以總面積及巖山荒邱森林水田陸地河流等面積之百分比製爲一表派員四出俾

與各該團保協同調製結果均甚隨意不可靠然就大概而言如左表

宣威全縣土地狀況表

總面積	一千一百六十一萬方畝	巖山	荒邱	森林	田畝	陸地	河流	湖泊
		$\frac{25}{100}$	$\frac{40}{100}$	$\frac{15}{100}$	$\frac{5}{100}$	$\frac{12}{100}$	$\frac{2}{100}$	$\frac{1}{100}$

(1) 農事建設

民爲邦本食爲民天不稼不穡胡因胡廩工用原料惟農是占農拙工敝遑

問貿遷

農業

宣中最重農業城鄉居民漢夷男女無不視此爲惟一生活據最近調查全境務農人數約十四萬有零實占全人口二分之一

農畝

宣風縣志
縣屬多高山峻嶺荒涼特甚稍宜種植之處早經開墾無遺其中上則田約三萬一千畝中則田約四萬畝下則田約四萬六千畝下下田約四萬九千零十畝上則地約八萬四千四百畝中則地約十一萬三千二百五十畝下則地約十三萬二千五百八十六畝下下地約十六萬七千九百一十四畝

農具

起土以犁平塊以鋤耘草以鋤刈禾以鎌攢稻以夾

俗呼夾子
揉竹爲之

打草以架

俗日
連耜

舂米以碓

任載以車載灰以籬

以竹爲之
複稱車籬

載糞以缸

以木爲之
複稱糞缸

一切皆舊式笨拙無改良希望

農期

馬鈴薯（古名蹲鴟俗呼山芋）種於雨水收於夏至玉蜀黍種於小滿收於白露黃豆飯豆（即漿豆）錦豆（即四季豆）等同且同時種於玉蜀黍夾空之間不另占面積清明前後洒稻種至芒種左右而分秧之事畢故俗語曰芒種打開涵洞又曰夏至忙忙點火栽秧又曰夏至後有十天老秧言太遲也霜既降則皆納稼而農事畢矣然大小

二麥及蠶豆豌豆罌粟芸臺藍花子等皆與玉蜀黍收種相承燕麥則於收稻後播種以次歲六七月收穫需時最多占地最久故惟涼山上不產五穀之處種之校者按南北通稱燕麥以其形似也據此則燕當作晏成熟遲故也

農事概略

縣屬近城一帶地勢較爲平衍運載俱用牛車加以人煙稠密農事上取資之肥料亦易爲力其主要農作以旱地所種之苞穀（即玉蜀黍）爲大宗旱地之施肥方法大都取給於人糞而雜以火灰及含有腐質性之肥土富有之農則和以油渣總計每升苞穀種地須得資本銀四十元究其收成不上一石二斗照尋常市價往往不敷成本而農家不以爲病者以灰糞及牛人工皆自己出有時添買添雇費亦無多耳至於水田則人畜糞雜用之大部則取給於腐化植物若鄉僻之處田地阪險既不便於行車而磨肩擦背牛馬走以赴其事而終年不得一飽此亦民生之大患也茲記其肥料之種類如下

宣風縣志 卷一
(一)人糞 縣屬無論城鄉俱重農事無論貧富均備有厠坑以爲儲糞之用大小便混置於坑中春分前後取坑中糞汁和土灰而澆之名曰窖糞

(二)畜糞 凡牛馬圈中均填以乾草草與糞相和復以乾草填之圈滿除而積之俟其草腐化則肥料成矣

(三)獸骨 取牛馬豬羊之骨煨之成灰

(四)油渣 凡菜子胡桃之類榨其油質者皆爲渣俗名油枯

(五)純植物腐化 草水萌芽之際採松枝之初茁及青桐葉橡葉櫟葉桑葉青蒿或豆桿菜子罌粟之莖秸等入土而腐化之不雜他項糞類是爲純植物腐化

(六)人造肥料 縣屬原無所謂人造肥料惟十里鋪地方產一種紫土花椒園地方產一種黃土二者相合摻以人畜糞是亦人造肥料之一種此外尙有石灰一項但久用則肥土變爲石田矣

(七)天然肥料 縣北區高山種蕎之地多採取羊肝石堆集地中經風雨之侵蝕石

乃化爲細末是爲膏地最好肥料

水利概略

宣中隄壞舊在東海子後所二百六十分屯田皆濱盤龍河而全恃阿龍堤水爲灌溉乾隆中饒牧夢銘所開中邊二溝蓋由堤引水以達田畝也人煙漸繁山山開挖殆遍沙泥隨水而下至道光初堤石盡埋沒河水直入閘門矣由是水患漸大始則下圩左所濱河糧田變成麥地訖至於今而東門外之上下兩堤皆漂颿矣舊志東海子上下兩堤各設有水利鄉約一名其堤之名稱及所在地列左

阿龍堤 在城南三里灌河東諸田清乾隆三十年知州王錫縉嘉慶十九年知州張槐先後重修

岳公隄 嘉慶二十四年知州岳輝文以邑內糧田在盤龍河兩岸一遇水潦汪洋爲災因倡修長堤白板橋迄大屯凡六十餘里

中邊二溝 清乾隆四十三年知州饒夢銘所開

以上東河水利有鄉約

小 埧 在城西五里

寧家埧 在城西一里

雙 埧 在城南二十五里

官 埧 在城西三里

繆家埧 在城西三里

梁家埧 在城西五里

張家埧 在城西半里

盤龍埧 在城西南一里

仙人埧 在城西南六十里

刁家埧 在城西三里

天生埧

在城西南二里許生成石
閘左右俱用溝引水灌田

以上西河水利由各業主人自爲政

（附記）陶官冲陰水硐在城西約十里其水就河流之中央鑿一極深之涵硐而鑲以砂石使河面之水由涵硐洩出天旱河面枯竭而河底之水終無變動此種水利與新疆之鑿坎相同雖無科學技能實富有科學性舊志不曾記載特附錄之將來應興之水利列左

石門坎 在大屯橋東邑人王家光倡之擬由小空山之馮家埧着手因工費不資官

辦民辦力均不逮其議遂止

以谷海子 在縣屬南區其地面多需益土人欲引其水由箐門前下注西河惟得利者需益而箐門前之地方不免有隣壑之患故土人之計劃終難實現

二官營海子 在縣屬南區其地高涼水渴可種二麥天然之利惟魚最富若加以科學進行淡水養魚頗有可觀

大水塘 在縣屬西區有集市即以大水塘得名土人擬引其水由拖谷徂東下則東部之田皆可灌溉塘之附近即得肥田數百頃

牛精海子 在東南區其水盈渴不常

農產

宣威縣農產表

種類	產額	銷路	本地消費	對外輸出	價格	附記
宣威縣	農產	表				

藍花子	芸 薑	豌豆	南 豆	馬鈴薯	苕	豆	麥	玉蜀黍	稻
約千餘石	約一千石	約一千五百石	約六百石	約三萬四千石	約三千七百八十餘石	約二萬五千石	約一萬一千一百餘石	約四萬二千七百餘石	約三萬二千餘石
同 前	均在本境	同 前	均在本境	曲靖霑益	同 前	同 前	敷本境之用	同 前	霑益威寧
同 前	不敷用	同 前	無贏餘	幾盡全數	同 前	同 前	全 數	約四萬一千餘石	約二萬七千餘石
同 前	無且恒仰給外縣	無	無	約數十石	無	無	無	約五百石	約一百七十餘石
同 前	每石約九十圓	同 前	約四十餘圓	每石約二十餘圓	每石約三十五元	每石約四十圓	大四十圓 小麥七十圓 燕五十圓	每石約五十元	每石約三十元
每歲由威寧霑益等縣輸入者不下數千石製出之油則多銷於昆明蒙自約百餘畝		南豆於秋收後種於肥田者約占三分之一		現下為口糧大宗分售外間者供籽種之用而已		照農畝欄下地十六萬餘畝僅可種苕及燕麥藍花子等然一易再易不可為常約計得畝數目祇此		照農畝欄可種玉蜀黍之地約三十三萬餘畝每畝歲收平均可獲市斗一斗二三升	
						麥與玉蜀黍同地者每歲約產一萬石餘均產麥地中又燕麥成熟較遲每歲十月播種次歲六月收		照農畝欄為田約十六萬六千餘畝除臨時荒蕪外以四則每畝平均二市斗約合上數	
						豆與玉蜀黍同地者歲約產一萬九千石產麥地中者約五千零七十餘石產豆地中者約七百餘石			

黃蘿蔔	約數萬斤	同	前	無	贏餘	無	每百斤約三四圓	除作菜蔬用外以飼猪甚發變
菸草	約五萬斤	同	前	同	前	無	每百斤約四十餘圓	
麻	約二萬五千斤	同	前	同	前	無		西北一帶苗族多織布自用

附

記

農產額根據十八年清鄉委員會調查田地種案所有農畝原數加足成分折中估計並據二十九萬人口需用養料酌量支配合少壯老幼男女平均歲各需用雜糧五斗其數已達十四萬石有零其全縣牲畜暨作房消耗總數亦不下二三萬石合之共需十七萬石而每歲所出至多不過十五萬石加之富戶歲有存儲外間不無搬運以致四鄉窮黎鵠形菜色者甚多盜賊充斥亦固其所幸有勞工數萬奔走於外所得代價稍資彌補言農事應作何等建設以濟其窮也

菜蔬及製醃菜法

菜蔬中如蔥蒜韭辣椒茄豆瓜芥蘭菜菠菜白菜青菜花菜等普通產物處處有之而尤以青菜一種為占重要位置每歲栽於立秋後採於立冬前不特鮮食可口而家家戶戶製為醃菜或揉而貯以罈或蹂而實之缸或寸斷或細切或挽數柯成束緊壓缸內切與斷者利用揉成束而納之木缸者則往往使強有力之男子著草履入焉鱗次

排比既圓且實用力蹠之層累而上愈緊愈妙最後則壓以石沃以水水以常滿爲度至次歲清明前後取出曝而乾之年中之需要備焉携至遠方味尤珍美初開缸時不特酸味清芬和平適口而其汁之芳冽覺瓊漿玉液無以遠過其揉在瓦缸中者逾月即可取用酸而甘清且腴得味之正宣境外需平昭等處均有佳者然皆不如宣產也寸斷一起以白菜爲之揉時多加鹽辣薑及毛菰等木缸中所揉青菜不用鹽或夾入蘿蔔片熟時亦可食也

南門內外有專藝菜蔬解決生活者凡十餘家普通民戶亦各家拓三弓人謀半菽惟無可藝之所者不得已而求之於市甚至苞谷地中瓜菜雜植惟時令所關此種熱菜不若秋菜之肥美製爲酸菜亦僅供夏秋天之平民食用其法沃以清薄麵水漿一二日而醱酵作酸俗所謂黃水醃菜也

菓品

菓品則桃李杏林檎花紅蘋菓桑甚榛栗楊梅胡桃雪梨寶珠梨茶皮梨石榴柿枋棗

軟棗山查等各處均有而花紅桃栗柿胡桃梨比較時尚尤以西澤老鴉林兎居黃梨樹兎場海岱冲七甲等爲出產最旺之地每歲銷售縣城者大都來自西澤以梨而言不下數萬斤每斤值銀五仙柿及花紅桃輸入之量及價稍次於梨栗子則以升計價與米等年內輸入亦不下二三十石胡桃以數計每百個值銀一角有零上市面者數約十餘萬其老鴉林等處所產各皆就近銷售數量價格亦略相等再能推廣種植便利交通研精罐頭貯載之法則此亦天然之利也

石榴枋棗軟棗山查楊梅等產量亦多然石榴不及東川產楊梅不及貴州產惟山查軟棗以法製之可以銷售遠境土人素不講求而惟知有梨絲乾柿之輸出可惜也

葛根

每歲春初市面上葛根最多其圓徑有至五六寸者民戶多取以敬客每斤價格不下二三角四鄉均有輸入

花卉

宣陽縣志卷之七
民俗頗好藝花而尤以牡丹一種爲最時尙宣地溫和於此種名花亦較適宜有三五株而開至七八十朵者粉紅金帶圍綠色及荷包數種均有之軍興後城鄉園藝多被戕折有掘其根拔其本而去之者其次則爲茶花品類甚多而以九心十八瓣一種爲最樹之高與屋齊而大則至數圍他若桂分金銀梅有紅綠菊以火煉金丹九頭獅子玉挖耳等產爲貴四季有花則若粉團月月紅等而木筆之外有木榕一種爲宣特產其樹在東山上之獮果大五十圍花形略同木筆而複瓣疊蕊大而且多開於二三月間皎若飛練故宣人號東山爲榕山宣城爲榕城云

常綠植物

闢地三弓種花一園紅黃藍白皆所宜具然皆一時之秀其貫四時而不改柯易葉蔥蘢蒼翠具君子之操者則常綠植物尙焉宣人於園藝中多肯樹柏有扁圓合掌數種其他若杉若松若冬青若欒欒若三春柳等皆所常見其落葉喬木若槐若桐若椿皆不僅快一時之觀以其材之可用也亦往往與常綠者並重此外則竹之類多取紫金

兩種草之屬蘭蕙吉祥徧植於砌蓋亦各有所取也

附錄魏姓園藝牡丹隆冬開花事

下堡人魏應貴應鼎弟兄商業起家其弟應鴻清末附生入民國任教縣立小學成績頗著惜早世有子玉圃等五人應貴卵翼之予以本教之經營一五八月其家購得牡丹一株植之庭秋盡冬來草木盡萎而其氣蓬勃未幾茁發嫩葉漸生蓓蕾歷十餘日竟開名花清香滿座應貴弟兄怡然置酒延客共相欣賞當時頗多題詠目爲上瑞越數載玉圃發跡政界其家商業亦益隆盛僉謂草木有知竊見夫村內梨花亦嘗於大雪之期盛放推求其故則以族人堆草其下不戒於火燃燒移時而梨樹因之回春生機大暢魏園牡丹當有同一感受無足異者難在應貴弟兄以漁鹽中人而能關懷手足致一堂和氣耳

森林

宣威縣森林調查表

種類	分佈狀況	面積及密度	植及成林方期法	用途	價格	銷場及運銷方法	附記
黃松	荒山及墳塋間多種之	占全面積百分之五每方丈十餘株	冬初取種春夏兩季種之十年成林	建造及製器具且供燃料	滿尺者平均每株一元	人扛車載運難及遠	此項林木半屬大以縣城為銷場
青松	同	約占百分之一密度同前	同	大者可為棺木餘同前	尺以上者平均每株七元	同	
羅漢松	同	約占百分之小數三密度同前		同	同	多解成板背負入城銷售	
柏	植園庭間或劃良好地段植之	約占百分之小數一每方丈三四株	有蓄苗售植者二十年成林	專為棺木之用	每副豐板值銀二百元	遠銷省垣近售縣城背負者多	此就屬柏而善外有圓柏一種價較廉樹亦較多
杉	植墳塋間或以空隙地段種之	約占百分之小數三密度同前	有專利者蓄苗售植活始取值	大者可為棺槨餘則用之	每副豐板值銀五十圓	同	杉及柏均有人售栽每株取值數仙
菓木	種於房屋園圃邊成林者少	同	或接枝或分秧成林期亦不一	食品	詳農產	同	
雜木	岩壑山野間彌望皆是	約占百分之六密度不一	多天然林	造車及凡農具餘供燃料	車每張值銀八圓炭每百斤價銀五圓	銷售城中	